

ՀԱՅԵՐԵՆԻ ԲԱԶՄԱՊԱՏԱԿԱԿԱՆ ԲԱՅԱԿԱԶՄՈՒԹՅԱՆ ՄԻ ՔԱՆԻ
ԱՌԱՆՁՆԱՀԱՏԱՌՈՒԹՅՈՒՆՆԵՐԸ

Հայոց լեզվի բաղմապատկական-սաստկական կերպածանցավոր բայա-
կազմությունը բովանդակության և արտահայտության պլաններում ունի մի
շարք առանձնահատկություններ, որոնցից մի քանիսի համառոտ բնութագրը-
մանն է նվիրված սույն հոդվածը:

1. Բաղադրյալ կերպածանցներ (միաձույլ և տաբուրյուծելի).— Հայերենը,
առանձնապես բարբառները և ժողովրդական-խոսակցական լեզուն, հարուստ
են բաղմապատկական և սաստկական բաղադրյալ կերպածանցներով¹, որոնք
երկու տասնյակից ավելի են: Ներքին կառուցվածքի տեսակետից դրանք հիմ-
նականում բաժանվում են երեք խմբի. 1. երկածանց կամ երկանդամ բաղա-
դրյալ, 2. եռածանց կամ եռանդամ բաղադրյալ և 3. քառածանց կամ քառան-
դամ բաղադրյալ: Հենց այս խմբավորման հիմունքով էլ ընդհանրապես բաղ-
մապատկական և սաստկական ածանցավոր բայաձևերը բաժանվում են չորս
տեսակների. 1. միածանց կազմություններ (ծեծկել), 2. երկածանց կամ երկ-
անդամ բաղադրյալ կերպածանցավոր կազմություններ (ծեծկոտել), 3. եռա-
ծանց կամ եռանդամ բաղադրյալ կերպածանցավոր կազմություններ (ծեծկրու-
կել) և 4. քառածանց կամ քառանդամ բաղադրյալ կերպածանցավոր կազմու-
թյուններ (շլտուրտկել):

Հաշվի առնելով բաղադրման բնույթը և որոշ կազմություններում բաղա-
դրյալ ածանցների կոնկրետ դրսևորումները, դրանցից մի քանիսը միաժամա-
նակ պայմանականորեն կարող ենք համարել միաձույլ կամ ելակետային
ածանցներ: Երանք այն կերպածանցներն են, որոնք բուն կազմությամբ լինե-
լով բաղադրյալ՝ երկածանց կամ եռածանց (երկանդամ բաղադրյալ կամ եռան-
դամ բաղադրյալ), բաղմապատկական և սաստկական մի շարք կազմությու-
ններում հանդես են գալիս ածանցակազմիչ բաղադրիչների սերտ միասնու-
թյամբ, տվյալ կոնկրետ բայաձևերում անտարրալուծելի են և դիտակցվում են
իբրև մեկ ամբողջական միակազմ ածանց: Այսպես, օրինակ, խառն + շտ + ել,
ֆանդ + րտ + ել ձևերում - շտ- և - րտ- բաղադրյալ կերպածանցները հնարավոր
չէ բաժանել առանձին բաղադրիչների: Նման դեպքերում բաղադրյալ կերպա-
ծանցները, իրենց անտարրալուծելիությամբ, հանդես են գալիս իբրև միաձույլ
կամ ելակետային ածանցներ, որոնք լրացուցիչ բաղադրման տեսակետից նաև
կառուցվածքային այն առանձնահատկությունն ունեն, որ դրանց հետևոր
ածանցի կցումը գերադանցապես կատարվում է աջ եզրից (հմմտ. խառն +
+ շտկ + ել, ֆանդ + րտոբ + ել):

¹ Բաղադրյալ են այն կերպածանցները, որոնք բաղադրված են մեկից ավելի ածանցակազմի-
չություններից կամ տարրերից:

Ի հակադրություն այս միաձուլյ կամ ելակետային ածանցների, բաղմա-
պատկական և սաստկական բուն բաղադրյալ կերպածանցները տարրալուծելի
են իրենց ածանցակազմիչ ձևությունների, որոնց բաղադրումը (զուգակցումը)
կարելի է ցույց տալ միևնույն բայական բառույթի սահմաններում (հմմտ.
նաև կ + ուտոբ + ել < նաև կ + ուտ + ել < նուկ + ո + ել, խառն + շտոբ + ել
< խառն + շտ + ել, մո + լուկ + ալ < մո + լո + ալ): Սակայն բաղադրյալ կերպ-
ածանցների առանձին միավորների բաժանելիությունը ընդհանուր առմամբ
որոշակիորեն վերջավորված է և ունի իր սահմանը: Բաղադրության տարրա-
լուծումը (ձևությունների անջատումը) հնարավոր է կատարել մինչև այն աստի-
ճան, քանի դեռ անջատվող ածանցներից գոնե մեկը պահում է կերպիմաստը
և կատարում ձևակազմական այն դերը, ինչ որ կատարում է ամբողջ բաղա-
դրությունը: Օրինակ, նետուկել և վազուտուել բայաձևերի մեջ -ոտկ- և
-ոտոր- բաղադրյալ կերպածանցներից կարելի է անջատել-հեռացնել միայն
աջ եզրի -կ- և -որ- պարզ ածանցները (ձևություններ), քանի որ -ոտ-ի տարրա-
լուծումը (-ոտ- < ո + տ-, հմմտ. նուկուել < նաև կուել) տվյալ դեպքում չի
ապահովում բաղմապատկական բայերին հատուկ ոչ ձևական և ոչ էլ իմաս-
տային հատկանիշները. չունենք՝ նետուել, նետկել, վազուել և այլն:

Այսպիսով, հայոց լեզվի բաղմապատկական և սաստկական բաղադրյալ
կերպածանցները որոշ թվով կազմություններում հանդես են գալիս ածանցա-
կազմիչ բաղադրիչների սերտ միասնությամբ և հնարավոր չէ դրանք տարրա-
լուծել, իսկ մի շարք այլ բայաձևերում այդ տարրալուծումը հնարավոր է դառ-
նում այդ բաղադրիչներից գոնե մեկի անկախ ինքնուրույն գործածության
հետևանքով: Բաղադրյալ կերպածանցների առանձին բաղադրիչների ձևա-
իմաստային կայունության գիտակցումը հայերենում սերտորեն կապված է
դրանց տարանջատման, տարրալուծման հանգամանքի հետ, քանի որ այդ գի-
տակցման համար կիրառելի և լրիվ բավարար է ածանցակազմիչ ձևությունների
անջատման մեթոդը, որով ստեղծվում է ձևակազմական հետևյալ հակադրու-
թյունը. կարելի է՝ նաև կուել, նկուել, ծակուել և այլն, չի կարելի՝ ծակուել, քալի-
ուել և այլն:

2. Բաղմաձևություն. — Հայերենի բաղմապատկական-սաստկական բայա-
կազմության բաղմաձևությունը արտահայտվում է ոչ միայն պարզ և բաղա-
դրյալ կերպածանցների և կառուցվածքային ձևատիպարների (մոդելների)
առատությամբ, այլև միևնույն բայական բառահիմքի հետ տարբեր ածանցնե-
րի միացման հնարավորություններով: Կերպածանցների՝ մեկը մյուսով փոխա-
րինումը ընդհանուր առմամբ կապված է գործողության կամ եղելության բնու-
թյան հանգամանքի հետ և հանդիսանում է թույլ կամ ուժեղ արտահայտ-
ված կերպիմաստային երանգավորման դրսևորումներից մեկը: Ածանցակցման
այս բաղմաձևությունը առաջացնում է նույնարմատ պարզ կամ կրկնավոր
բայատիպարների զուգահեռ տարբերակներ, որոնք գործածության տեսակե-
տից մեծ մասամբ տեղայնացված են: Ձևերի զուգահեռությունը կամ զուգա-
ձևությունը առավելապես հատուկ է մեր բարբառներին և ժողովրդական-խո-
սակցական լեզվին, իսկ արդի գրական արևելահայերենում դա հնարավորին
չափ հասցված է նվազագույնի:




Շատ սովորական է, օրինակ, -ոտ- և -ոտ- յ/ -րտ- ածանցները մեկը մյու-
սով փոխարինելը, որով ածանցավոր բայաձևերում կատարվում է բաղմա-
պատկության և սաստկության իմաստների շեղումներից առաջացած տարբերակում:

Կրկնավորների մեջ հատկապես տարածված է -ոտ -որ- փոխարինումը (հմմտ. ծակծկոտել և ծակծկորել), որն իմաստերանգային զանազանություն գրեթե չի առաջացնում: Այսպիսի կազմություններում -ոտ-ն ու -որ-ը իմաստով իրար ծածկող համանիշ ածանցներ են:

Ձևա-իմաստային դրսևորումներով ավելի հարուստ են երկուսից ավելի ածանցների միջև կատարվող փոխարինումները, միայն թե այս դեպքում մենք դործ ունենք արդեն ածանցների բաղադրման երևույթի հետ: Հատկանշական է, որ հայերենում միևնույն բայական բառահիմքը կարող է միանալ առավելագույնը չորս բաղմապատկական և սաստկական պարզ կամ բաղադրյալ տարբեր կերպածանցների՝ հետ, այսինքն՝ բաղմաձևությունը սահմանափակվում է չորս փոխարինումով կամ ածանցավոր չորս տարբերակով:

Հասկանալի է, որ ոչ բոլոր բաղմապատկական և սաստկական բայերն են, որ ունեն իրենց այլաժանց տարրերակները: Նաև միաձև կազմությունները:

Ցերենք դուգահեռ ձևերի մի քանի նմուշ.

ծակել		1.		ծակ + ոտ + ել
		2.		ծակ + ոտ + ել
ծեծել		1.		ծեծ + ոտ + ել
		2.		ծեծ + կ + ել
		3.		ծեծ + կոտ + ել
կոխել		1.		կոխ + ոտ + ել
		2.		կոխ + ոտ + ել
		3.		կոխ + կոտ + ել
		4.		կոխ + կոտկ + ել
խառնել		1.		խառն + ոտ + ել
		2.		խառն + շտ + ել
		3.		խառն + շտկ + ել
		4.		խառն + շտոր + ել

Երկշարք, եռաշարք և քառաշարք այս ածանցավորները և՛ արտահայտության պլանում, և՛ բովանդակության պլանում իրենց ածանցազուրկ նախատիպերի համեմատությամբ (այսինքն՝ հորիզոնական դիրքում) ներկայացնում են քերականական կարգերին հատուկ երկանդամ հակադրություն՝ «չկրկնվող գործողություն — կրկնվող գործողություն» և «չկրկնվող գործողություն — կրկնվող սաստկական կամ լեզվական գործողություն», իսկ շարքերը վերից վար, մեր օրինակներում, իրար նկատմամբ ունեն հետևյալ հարաբերությունները. 1-ինը 2-րդից տարբերվում է բաղմապատկական գործողության սաստկական ընդթույլ, 1-ինը 3-րդից կամ 4-րդից՝ նույն հատկանշով, միայն թե վերջիններիս առավել սաստկականությամբ և այլն:

Ելնելով վերոհիշյալից, կարելի է սահմանել հայերենի բաղմապատկական-սաստկական բայակազմության ձևա-իմաստային առանձնահատկություններից մեկը ևս, որը է՝ կերպիմաստային բնութագրման տարբերություն-

ներ ունեցող ձևերի բազմազանությամբ պայմանավորված ածանցման աստիճանականությունը կամ բաղադրման աստիճանները: Ինչպես տեսանք, կրկնության ընդհանուր դադափար արտահայտող պարզ ածանցավոր և կրկնավոր ածանցազուրկ բայաձևերը կարող են ունենալ սաստկության, զորացման և տեականության իմաստով երանգավորված իրենց տարբերակները, որոնց մեջ ածանցների փոխարինմանը զուգահեռ առկա են նաև ծագումնաբանորեն բաղադրյալ ածանցների լրացուցիչ բաղադրումներ: Հայտնի է, որ բազմապատկական և սաստկական բաղադրյալ կերպածանցները ավելի ուժեղացնում և սաստկական երանգ են հաղորդում բայիմաստին: Բաղադրման հետևանքով բացահայտորեն շեշտվում է նաև զործողության բազմապատկության կամ կրկնության դադափարը: Ածանցի ֆունկցիոնալ նշանակության այս հաղեցումը, որ կստացվում է բաղադրման կամ լրացուցիչ բաղադրման միջոցով, հենց հանդիսանում է հայերենի բազմապատկական-սաստկական ածանցման աստիճանականության կամ բաղադրման աստիճանների իմաստային և կառուցվածքային հատկանիշների բնութագրական կողմը:

Հայերենի բաղադրյալ կերպածանցները մենք բաժանել ենք երեք խմբի. երկածանց կամ երկանդամ բաղադրյալ, եռածանց կամ եռանդամ բաղադրյալ և քառածանց կամ քառանդամ բաղադրյալ, իսկ ածանցավոր ձևատիպարների համար, ըստ ածանցների քանակական բաշխման, ընդունել շորս տեսակներ. միածանց, երկածանց, եռածանց և քառածանց: Ըստ այսմ էլ, բազմապատկական-սաստկական ածանցավոր բայակազմությունն ունի ձևա-իմաստային մի քանի աստիճաններ.

1. Միածանցավոր ձևեր կամ ածանցման առաջին աստիճան (ծակել > ծակոտել, ծակոտել, կոխել > կոխոտել, կոխոտել, խառնել > խառնշտել, մոլտալ): Այս աստիճանում այլածանց զուգակից կազմություններն ունեն զուտ իմաստերանգային տարբերակումներ, իսկ կառուցվածքային տեսակետից դրանք իրար համարժեք են:

2. Երկածանցավոր ձևեր կամ ածանցների բաղադրման առաջին աստիճան, այսինքն՝ այս աստիճանում պարզ ածանցները բաղադրվում են, իսկ նախորդ աստիճանին վերաբերող միաձույլ կամ ելակետային բաղադրյալ ածանցները² ենթարկվում են լրացուցիչ բաղադրման (թապլտել > թապլտկել, ծեծել > ծեծկոտել, կոխոտել > կոխկոտել, խառնշտել > խառնշտկել, խառնշտորել, մոլտալ > մոլտկալ):

3. Եռածանցավոր ձևեր կամ ածանցների բաղադրման երկրորդ աստիճան, այսինքն՝ այս աստիճանում նախորդ աստիճանի լրացուցիչ բաղադրման ենթարկված բաղադրյալ ածանցները նորից բաղադրվում են (զլտորել > զլտորտել, կոխկոտել > կոխկոտկել):

4. Քառածանցավոր ձևեր կամ ածանցների բաղադրման երրորդ աստիճան, այսինքն՝ այս աստիճանում նախորդ աստիճանի կրկնաբաղադրված ածանցները նորից ենթարկվում են լրացուցիչ բաղադրման (զլտորտել > զլտորտկել):

2 Կրկնենք, որ գերազանցապես կոնկրետ կիրառության և ածանցակազմիչ բաղադրիչների անտարրալուծելիության հանգամանքները հաշվի առնելով է, որ բաղադրյալ ածանցների մեջ առանձնացրել ենք այսօրինակ կերպածանցների խումբ: Իրականում դրանք բաղկացած են մեկից ավելի ածանցներից (հմտ. նեղհոտել < նեղհ + ո + տ + ել, կոխոտել < կոխ + ո + տ + ել), սակայն նկատի ենք ունեցել դրանց միաձուլությունը և բաղադրությունը վերադրել ոչ թե բաղադրման, այլ ածանցման առաջին աստիճանին:

Այս աստիճաններից վերջին երկուսը հայերենում չափազանց սակավադիմ են և նույնիսկ կարող են գործնականորեն երբեմն հաշվի չառնվել: Դրանք ավելի շուտ կառուցվածքային հնարավորություններ են, որոնցից մեր լեզուն համեմատաբար քիչ է օգտվել:

Բաղադրյալ կերպածանցների քանակական կողմն արտահայտվում է մեր գործածած «երկածանցավոր», «ևոածանցավոր» և «քառածանցավոր» անվանումների մեջ (միաձուլյնները պայմանականորեն համարել ենք միածանցավոր ձևեր): Իսկ բաղադրման աստիճանների առանձնացումը միայն կապված է այդ ածանցների բաղադրելիության հանգամանքի հետ, որի պատճառով էլ, օրինակ, ևոածանցավոր ձևերը համապատասխանում են բաղադրման երկրորդ աստիճանին: Հմմտ. կո|ս + կ + ու + ել, որ բաղադրման առաջին աստիճանի արդյունք է, երկածանցավոր ձև (կո|ս + ու + ել և -կ-), կո|ս + կ + ու + կ + ել, որ բաղադրման երկրորդ աստիճանի արդյունք է, ևոածանցավոր ձև (կո|ս + + կ + ու + ել և -կ-):

Բնչպես նշվեց, ածանցման աստիճանականությունը կամ բաղադրման աստիճանները պայմանավորում են կրկնվող և սաստկական գործողության կամ եղելության կերպային բնութագրման տարրեր երանգները՝ բազմապատկական-սաստկական իմաստների շեղումաձուլության դրսևորումներով: Ուրեմն, բազմապատկական այդ երևույթը դուրս ձևաբանական-քերականական արժեք ունենալուց բացի, ունի նաև քերականական համապատասխան իմաստների թույլ և ուժեղ արտահայտության տարբերակիչ հատկանիշ:

Բաղադրման այս աստիճաններին պատկանող հատկապես նույնարմատ գուգակից բայաձևերը, ամենայն հավանականությամբ, նախապես պահպանել են իմաստային շատ որոշակի տարբերակումներ, որոնք աստիճանաբար թուլանալով վերացել են, իսկ նրբերանգներն էլ խառնվել: Ծիշտ չէր լինի ձևերի այս բազմապատկությունը բացատրել մեր բարբառներին հատուկ բազմաձևության սոսկ քմահաճ նախընտրությամբ: Դրանց գուգահեռ գոյությունն ու գործածությունը լեզվական միեկնույն միջավայրում պետք է որ կապված լինեին իմաստային ինչ-որ ալլաբնույթ հատկացումների հետ:

3. Բազմեւանգություն.— Հայերենի բազմապատկական-սաստկական պարզ կամ բաղադրյալ կերպածանցները հիմնականում բազմերանգ են, այսինքն՝ արտահայտում են կրկնության և սաստկության ընդհանուր զաղափարի մերձավոր տարրեր իմաստերանգներ, կամ էլ ունեն իմաստային համեմատաբար ավելի ինքնուրույն առումներ:

Փաստերը ցույց են տալիս, որ հայերենում, օրինակ, խստորեն բևեռացված «կրկնության քերականական միայն այս իմաստի» կերպածանցներ չկան, և մեր պարզ կամ բաղադրյալ ածանցները, որպես բազմապատկության և սաստկության քերականական իմաստների ձևաբանական ինքնուրույն ցուցիչներ, սերտորեն կապվում են համանշտության հետ, քանի որ բոլորն էլ ցույց են տալիս գործողության կրկնություն կամ սաստկությամբ կրկնվող գործողություն, որոնք կարող են իրագործվել ալլապան առնչություններով ու հարաբերություններով:

Ածանցների համանշտությունը պարզորոշ երևում է հենց առաջին հայացքից. երեք տասնյակից ավելի տարրեր ածանցների միավորվում են քերականական ընդհանուր նույն իմաստներն արտահայտելու իրենց հատկությամբ: Իսկ նույն ածանցների բազմերանգության, իմաստային միաձուլության կամ

բաղմիմաստության համար բերենք այսպիսի մի հանրահայտ իրողություն. - ոտ- ածանցը մի ղեկբում դուտ կրկնության ցուցիչ է (ծակոտել, գատկոտել). մեկ այլ ղեկբում՝ բաղմաստորյակտության (նստոտել, կանգնոտել), - ոտ- բ մի ղեկբում առավելապես սաստկությամբ կրկնվող գործողություն է ցույց տալիս (շխկոտալ), մեկ այլ ղեկբում՝ բաղմաօրյակտություն (ծախոտել, հավաքոտել). - ա- ն մի ղեկբում կարող է կազմել անդրադարձության-բաղմապատկական բայեր (հանվտել, բերվտել), մեկ այլ ղեկբում՝ բաղմապատկական (փնտրտել) և այլն, և այլն:

Այսպիսով, բաղմապատկության-սաստկության կերպի բերականական կարգի արտահայտության պլանի զանազան միավորները՝ ցուցիչները, ածանց- ները, բուխնդակության պլանում թիկ լայն առումով հանդում են միևնույն ընդհանուր կերպային նշանակությանը, սակայն հենց այդ պլանում էլ դրո- սնորում են որոշակի հաստակությամբ տարբերակվող երանգային բաղմադա- նություն, որն ի հայտ է դալիս մեծ մասամբ կերպիմաստային հատկանիշների բնույթի և գործողության կամ եղելության առարկաների այլևայլ առնչություն- ների մեջ:

Նկատի ունենալով այս հանգամանքը, դուտ իմաստային կողմի հաշվա- ռումով, հայերենի բաղմապատկական և սաստկական ածանցավոր բայերը մենք դասդասել ենք մի քանի խմբերի, յուրաքանչյուրի համար հիմք ընդունե- լով իմաստային կոնկրետ որևէ էական հատկանիշ: Եվ հայերենում չկա կեր- պածանցավոր թեկուզ և մեկ բայածև, որ շարտականի ստորև ներկայացվող խմբերից որևէ մեկին:

1. Բայածևներ, որոնք ցույց են տալիս գործողության կրկնություն կամ բաղմապատկություն. գործողությունը կարող է կատարվել մեկի կամ շատերի կողմից, միևնույն կամ տարբեր տեղերում, մեկ կամ շատ առարկաների նկատմամբ և այլն: Կրկնվող այս գործողությունը կարող է ունենալ նաև սաստ- կականության կամ տևականության հավելյալ երանգ: Հմհ. գատկոտել, գատկրտել, կապոտել, կապոտել, ծամծմորել, ծոմոտել, քոչկոտել, լպկտել, կտրտել, ձեծկոտել, պատոտել, փնտրտել, վազվոտել, վազվոտորել, երետկալ և այլն: Սրանք բաղմապատկական և բաղմապատկական-սաստկական բայեր են, որոնք կազմում են քննարկվող բայագանձի ճնշող մեծամասնությունը:

2. Բայածևներ, որոնք կազմությամբ բնածայնական են և հիմնականում արտահայտում են սաստկությամբ կրկնվող գործողության գաղափար: Հմմտ. ղխկրտալ, մոլտկալ, քշոտալ, շխկրտալ և այլն: Սրանք սաստկական-բաղմա- պատկական բայեր են:

3. Բայածևներ, որոնք ցույց են տալիս կրկնվող կամ բաղմապատկ այն- պիսի գործողություն, որ կատարում են անպայման մեկից ալիլի անձեր կամ առարկաներ: Հմմտ. նստոտել, ստոկոտել, պտոկոտել, բնոտել և այլն: Սրանք բաղմաստորյակտ-բաղմապատկական բայեր են, որոնք չունեն այլածանց սաստ- կական տարբերակներ:

4. Բայածևներ, որոնք ցույց են տալիս կրկնվող կամ բաղմապատկ այնպի- սի գործողություն, որ կատարում են մեկ կամ ալիլի անձեր անպայման մեկից ալիլի կամ շատ առարկաների նկատմամբ: Հմմտ. ծախոտել, ծախոտել, կա- խոտել, հավաքոտել, ծախծխոտել, պոկոտել, պոկոտել և այլն: Սրանք բաղ- մաօրյակտ-բաղմապատկական բայեր են, որոնք կարող են նաև սաստկական և անգ ստանալ (օրինակ, - ոտ- ածանցավորները):

5. Բայաձևեր, որոնք ցույց են տալիս կրկնվող կամ բաղմապատիկ այնպիսի գործողություն, որ փոխադարձաբար կատարվում է մեկից ավելի անձերի միջև: Հմմտ. զգվտել, պազվտել և այլն: Սրանք փոխադարձության-բաղմապատկական բայեր են, որոնք նույնպես ունեն իրենց սաստկական տարբերակները (օրինակ, պազվոտել):

6. Բայաձևեր, որոնք ցույց են տալիս կրկնվող կամ բաղմապատիկ այնպիսի գործողություն, որ սուբյեկտն անդրադարձությամբ կատարում է ինքն իր նկատմամբ: Հմմտ. Բերվտել, հանվտել, Բուրվտել և այլն: Սրանք անդրադարձության-բաղմապատկական բայեր են:

7. Բայաձևեր, որոնք ցույց են տալիս կրկնվող կամ բաղմապատկական այնպիսի գործողություն, որ կատարվում է անույսյան շատերի կողմից և արտահայտում համատեղ գործելու, միասին մի բան անելու գաղափար: Հմմտ. ժողվտել³ և այլն: Սրանք համատեղության-բաղմապատկական բայեր են, որոնց կերպիմաստը հայերենում համեմատաբար թույլ է արտահայտված: Համատեղության իմաստը ավելի շատ դրսևորվում է մյուս խմբերին պատկանող մի շարք բայերի կրավորական -վ- ածանցավոր կաղմություններով (Հմմտ. հավաֆոտել և հավաֆոտվել, ժողոտել և ժողոտվել):

4. Բնածայնական կերպածանցներ. — Հ. Աճառյանն իր «Լիակատար քերականություն հայոց լեզվի» ուսումնասիրության շորրորդ հատորի երկրորդ գրքում մանրամասնությամբ քննում է հայոց լեզվի բայագանձի հետաքրքրական և անշափ ճոխ բնագավառներից մեկը՝ բնածայնական բայակաղմությունը: Նա ըստ կառուցվածքային առանձնահատկությունների հայերենում տարբերակում է բնածայնական բայերի մի շարք կարգեր, ցույց տալիս դրանց մեջ մըտնող բայերի կապակցելի բաղադրիչները, առանձնացնում է այն հնչյուններն ու հնչյունախմբերը (կ, տ, ո, ր, շտ, ոտ, րտ, ոտկ, րտկ, տկ, ստ, լտ, լտկ և այլն), որոնք հանդես են գալիս հաճախականության իմաստով և կազմում բնածայնական հաճախական բայեր և այլն:

Կանգ առնենք վերջին հարցի վրա: Այս հնչյուններն ու հնչյունախմբերը իմաստատարներիչ դեր են կատարում բնածայնական նույնարմատ բայերի դրանք ունեցող և դրանք շունեցող ձևերի միջև, այսինքն՝ հնարավոր են դարձնում ձևա-իմաստային հակադրությունը, որը շատ ավելի ցայտուն արտահայտվում է հատկապես նշված հնչյունախմբերն ունեցող կաղմություններում (Հմմտ. հվոտալ, մշլտալ, մգրտկալ և այլն):

Այլաբնույթ բնածայնական գործողություններ արտահայտելու պահանջով հենց բնածայնության հիմքի վրա ստեղծված այս հնչյուններից ու հնչյունախմբերից շատերը, իրենց գործածության լայն ընդգրկումների և առանձնապես, սաստկության-դորության կայունացած իմաստների հետևանքով ստացել են բայական ածանցների արժեք և հետո հավանաբար սկսել են գործածվել նաև ոչ բնածայնական բայերի հետ, սաստկության իմաստի դուգակցումով ավելի շեշտելով բաղմապատիկությունը: Բնածայնական բայերի մեջ այդ հնչյունների ու հնչյունախմբերի ածանցական արժեքը պետք է համարել լրիվ քերականացված, քանի որ դրանց միջոցով հաղորդվում է գործողության սաստկության և կրկնության իմաստ և կաղմվում այս իմաստից դուրկ նույնարմատ ածանցադուրկ բայերի հակադրություն (Հմմտ. դխկալ և դխկրտալ):

³ Կրկնասեռ բայ է, որ ներդ. ս. նշանակում է «հավաքել», իսկ շեղ. ս.՝ «հավաքվել, մի ժողովվել»:

Բնաձայնական ածանցները ունեն կառուցվածքային շատ կարևոր մի առանձնահատկություն, որով էլ հենց պայմանավորված է հայերենի բաղմապատկական-սաստկական և սաստկական բայականության ինքնատիպ իրողություններից մեկը. դա բաղադրման կամ լրացուցիչ բաղադրման ենթարկվելու սովորույթն է, բաղմապատկական և սաստկական ածանցման աստիճանականությունը, որով կերպիմաստն ավելի ուժեղացվում կամ հավելյալ երանգավորում է ստանում (հմմտ. մոլտալ և մոլտկալ, մգրտալ և մգրտկալ): Բնաձայնական ածանցները աչքի են ընկնում նաև բաղադրության բաղմազանությամբ:

Բնաձայնության միջավայրից այս ածանց-հնչյունների ու հնչյունախմբերի անջատումը նշանակում էր նաև դրանց ինչպես ձևաբանական, այնպես էլ իմաստային և՛ անկախացում, և՛ հարստացում: Զևարանական անկախությունը դրսևորվում է նախ և առաջ ոչ բնաձայնական բայերի հետ միանալու հնարավորության մեջ: Սա արդեն ապացույց է այն բանի, որ ածանցի արժեք ստացած այդ հնչյուններն ու հնչյունախմբերը այլևս ուղղակիորեն չեն կապվում բնաձայնության հետ և գիտակցվում են որպես բաղմապատկության-սաստկության կերպի քերականական կարգի ձևաբանական ինքնուրույն ցուցիչներ:

Իսկ իմաստային հետագա հարստացումը, ընդհանուր գծերով, մենք պատկերացնում ենք այսպես. ի սկզբանե հիմնականում ցույց տալով բնաձայնական բայերի սաստկական իմաստը, այդ ածանցները, անկախանալու ընթացքում, ձեռք են բերել նաև զուտ կրկնության գաղափար արտահայտելու հատկանիշներ, ոչ բնաձայնական բայերում պահպանելով հանդերձ իրենց սաստկականության որոշակի երանգը:

Որ բնաձայնությունից եկած բաղմաթիվ ածանցներ ունեն և անկախանալուց հետո անհրաժեշտաբար պահպանել ու այսօր էլ շատ լավ արտահայտում են գործողության սաստկության իմաստ, կարող է հիմնավորվել նաև հետևյալ կերպ. գործողության կամ հղելության բուն կրկնության գաղափարի դրսևորման համար հայոց լեզուն օգտվում է բայակրկնավորներից և հիմնականում -աւտ-, -ոտ-, -կոտ- և -տ- բաղմապատկական կերպածանցներից, իսկ կրկնվող գործողության կամ հղելության սաստկությունը շեշտելու համար վերցվում են տեղադանցապես այն ածանցները, որոնք բնաձայնական բնույթ ունեն (հմմտ. քալոտել և քալոտել, ծակոտել և ծակոտել, ցատկոտել և ցատկոտել): Իհարկէ, կան նաև կոնկրետ այնպիսի կիրառություններ, որոնցում այս ածանցները սաստկության իրենց իմաստը բոլորովին կորցրել են և հանդես են գալիս միայն բաղմապատկության այս կամ այն նշանակությամբ ու համազոր են զուտ բաղմապատկական ածանցներից, օրինակ, -ոտ-ին (հմմտ. ծախոտել և ծախոտել, սատկոտել և սատկոտել):

Այսպիսով, հայոց լեզվի մի շարք պարզ և բաղադրյալ կերպածանցներ, որոնք հանդես են գալիս բաղմապատկական կամ սաստկական, կամ էլ զուտահեռաբար սրանց միաձույլ նշանակությամբ, ծագումնաբանորեն կապված են բնաձայնության հետ, ներկայացնում են մեր կերպածանցների ճնշող մեծապատկությունը, կարող են բաղադրվել ինչպես իրար, այնպես էլ մյուս կարգի կերպածանցների հետ և լայն գործածություն ունեն որպես բաղմապատկության և սաստկության կերպերի ձևաբանական ցուցիչներ, երբեմն կատարելով նաև բառակազմական դեր: